

**<<ՀԱՍՏԱՏՎԱԾ Է>>**

ՀՀ ոստիկանության կրթահամալիրի  
գիտական խորհրդի 29.04.2019թ. թիվ 4 նիստում:

ՀՀ ոստիկանության կրթահամալիրի  
գիտական խորհրդի նախագահ,  
ոստիկանության գեներալ-մայոր  
Մ. Բաբայան

<<\_\_\_\_\_>>\_\_\_\_\_2019թ.

**ԿԱՆՈՆԱԿԱՐԳ**

**ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՍՈՎՈՐՈՂՆԵՐԻ ԳԻՏԵԼԻՔՆԵՐԻ,  
ԿԱՐՈՂՈՒԹՅՈՒՆՆԵՐԻ ԵՎ ՀՄՏՈՒԹՅՈՒՆՆԵՐԻ ԳՆԱՀԱՏՄԱՆ**

1. Սույն կանոնակարգը սահմանում է ՀՀ ոստիկանության կրթահամալիրում (այսուհետ՝ կրթահամալիր) սովորողների գիտելիքների, կարողությունների և հմտությունների գնահատման նպատակները, ընթացակարգերը, չափանիշների ամրագրման աղբյուրները և գնահատողի գործողությունների նկարագիրը:
2. ՀՀ ոստիկանության կրթահամալիրում սովորողի գիտելիքների, կարողությունների և հմտությունների գնահատման հիմնական նպատակներն են.
  - 1) ապահովել գնահատման սահմանված չափանիշների պահպանումը,
  - 2) ներմուծել հետադարձ կապի մեխանիզմներ՝ գնահատման արդյունքները դասախոսների և սովորողների կողմից որպես դասավանդման և ուսումնառության շարունակական բարելավման միջոց օգտագործելու համար,
  - 3) ապահովել սովորեցնող գանահատում՝ պարտադիր համարելով դասախոսի կողմից առավելագույն հնարավոր գնահատականից ցածր գնահատական նշանակելու դեպքում միավորի իջեցումը հիմնավորելու գործելաոճը,
  - 4) ապահովել գիտելիքների համակողմանի ստուգում, մասնագիտական կարողությունների և հմտությունների գնահատում՝ ըստ մասնագիտության կրթական ծրագրի վերջնարդյունքներին ներկայացվող պահանջների,
  - 5) ուսումնառության գործընթացում ներմուծել մրցակցային տարրեր, խթանել սովորողի ակտիվությունը,
  - 6) ապահովել գնահատման արժանահավատությունն ու օբյեկտիվությունը՝ գիտելիքների և կարողությունների գնահատման ընթացքում հաշվի առնելով ուսումնառության տարբեր բաղադրիչներ և դրանց կարևորության աստիճանը,

7) ապահովել ստուգման արդյունքների ինտեգրումը՝ ընթացիկ և եզրափակիչ գնահատումների հիման վրա դասընթացի (մոդուլի) արդյունարար գնահատականի ձևավորումը:

3. Կրթահամալիրում սովորողների գիտելիքների գնահատման համակարգը միտված է նպաստելու սովորողի ուսումնառության բարելավմանը՝ հիմք ընդունելով հետևյալ ընթացակարգերի առկայությունը.

1) գնահատման գործընթացի շարունակականության ապահովումը՝ նպաստում է սովորողների թույլ և ուժեղ ունակություններ, կարողություններ և ներուժ ունեցող սովորողների բացահայտմանը,

2) ընթացիկ, միջանկյալ, ամփոփիչ գնահատում՝ նպաստում է սովորողի առաջխաղացմանը և նրա սովորողի մասնագիտական ձեռքբերումների մասին պատկերացում կազմելուն,

3) ձևավորող կամ կառուցողական գնահատում՝ թվային գնահատման հետ զուգահեռ՝ դասախոսի բանավոր և/կամ գրավոր հայտնած հատուկ կարծիքները նպաստում են սովորողի գիտելիքների հարստացմանը, ունակությունների բացահայտմանը և մասնագիտության հանդեպ վերաբերմունքի ձևավորմանը:

4. Սովորողների գիտելիքներ, կարողությունների և հմտությունների ստուգման և գնահատման համակարգերը սահմանվում են համապատասխան կրթական ծրագրերով ուսումնական գործընթացի կազմակերպման կարգերով:

5. Սովորողների գիտելիքների, կարողությունների և հմտությունների գնահատման չափանիշները սահմանվում են համապատասխան կրթական ծրագրերով առարկայական նկարագրերով, ինչպես նաև՝ կուրսային, դիպլոմային աշխատանքների և մագիստրոսական թեզերի պատրաստման և պաշտպանության կարգերով:

6. Սովորողի գիտելիքները գնահատելիս դասախոսը առաջնորդվում է գնահատողի գործողությունների նկարագրով (Հավելված):

7. Սույն կանոնակարգում փոփոխությունները և լրացումները կատարվում են Կրթահամալիրի գիտական խորհրդի որոշմամբ:

**ԳՆԱՀԱՏՈՂԻ ԳՈՐԾՈՂՈՒԹՅՈՒՆՆԵՐԻ ՆԿԱՐԱԳԻՐ**

<b>ԳՆԱՀԱՏՈՂԻ ԳՈՐԾՈՂՈՒԹՅՈՒՆ</b>	<b>ԳՈՐԾՈՂՈՒԹՅԱՆ ՆԿԱՐԱԳԻՐԸ</b>
Սովորողի գնահատման պլանավորում	1. Համոզվել, որ ապահովված են սովորողների գնահատման համար անհրաժեշտ պայմանները: 2. Սովորողներին պարզաբանել գնահատմանը վերաբերող բոլոր հարցերը: 3. Ստուգել գնահատման գործընթացի՝ սովորողների ընկալումը:
Գնահատման իրականացում	1. Ապահովել սովորողի համար բոլոր անհրաժեշտ ռեսուրսների մատչելիությունը: 2. Կիրառել գնահատման սահմանված չափանիշները: 3. Համոզվել, որ գնահատման հիմքում դրված փաստերը վավերական են, ճշգրիտ և բավարար:
Սովորողի հետ հետադարձ կապի ապահովում և աջակցության տրամադրում	1. Հետևել գնահատման ընթացքում սովորողի կատարողականին: 2. Սովորողին հստակ պատճառաբանել գնահատականը: 3. Սովորողի գիտելիքը անբավարար գնահատելու դեպքում տրամադրել խորհրդատվություն թերությունների շտկման վերաբերյալ:
Գնահատման արդյունքների արձանագրում	1. Համապատասխան կանոնակարգերով և ընթացակարգերով սահմանված ժամկետում կատարել բոլոր պահանջվող գրառումները: 2. Համոզվել, որ գրառումները կատարված են պատշաճ կերպով: 3. Գնահատման արդյունքների մասին տեղեկացնել ամբոինի պետին: